

Visoki predstavnik se sastao sa “Kongresnom grupom posvećenoj problemu Mostara” pri Vijeću Evrope



Visoki predstavnik Valentin Inzko danas se u Sarajevu sastao sa članovima “Kongresne grupe posvećene problemu Mostara” pri Kongresu Vijeća Evrope za lokalne i regionalne vlasti.

Na ovom sastanku, visoki predstavnik je izvijestio delegaciju o trenutnoj političkoj situaciji u Bosni i Hercegovini, a posebno u vezi sa Mostarom. “Pozdravljam nedavnu seriju razgovora lokalnih stranačkih predstavnika u Mostaru. To je potvrda činjenice da, bez obzira što je izgubljeno dosta vremena, domaći dijalog i politički kompromis još uvijek mogu dovesti do rezultata”, rekao je visoki predstavnik.

Visoki predstavnik je naglasio koliko je značajno riješiti pitanje Mostara što je prije moguće i to na način da rješenje bude u skladu sa odlukom Suda, da je pravno valjano i da ne dijeli grad. On je također dodao da su “građani Mostara već dugo vremena lišeni prava glasa i da političke stranke koje su odgovorne za implementaciju odluke Ustavnog suda Bosne i Hercegovine iz 2010. godine snose odgovornost za ovu situaciju. Ova obaveza neće jednostavno nestati, već je političari moraju izvršiti”.

